

Ū T A R D I Ņ,
1947. g. 29. aprēlī
Nr. 51. (264.)
Cena 15 kap.

Latgolas TAISNEIBA

LATVIJAS K(b)P
DAUGAVPIĻS APRINĶA
KOMITEJAS
UN APRINĶA
IZPYLDKOMITEJAS
ORGANS

Lauksaimniecības dorbaļaudis! Padareisim 1947. godu par sākumu plašam uzbrukumam, lai īgyutu augstas ražas un izpildeitu jaunū pīcgadi lauksaimniecībā!

Boļševiku partijas aicynojumi ir kaujas programma Stalina pīcgades izpildeišonai

Lenina—Stalina partijas 1. Maja aicynojumi atskanēja kai kaujas saucēns vysu zemju dorbaļaužu sirdīs par stabilū mīru un breiveibu, par fašisma atliku likvideišonu, par jauna kara kury-nōtōju atmaskōšonu.

Padūmjū tauta un vysa progresivō cilvēcē sateik 1. Maja svātkus ar vyslelōkū pōrlīceibu, ka šudīn nav taidu spēku pasaulē, kas spētu atjimt izceineitōs pasauls-vēsturiskōs uzvaras par fašistiskū Vōcīju un imperia-listiskū Japonu, kas spētu atjimt izceineitū tautu breiveibu un atdzeivynōt sagrautō fašisma atlikas Vokoreiropas un Azijas zemēs. Vysas progresivōs cilvēcēskoti vārsti uz pasaules mīra un cilvēcē breiveibas golvonū bolstu — Padūmjū Savīneibu, kuras tautas glōbe cilvēcī un jōs kulturu nu draudušōs būjāejas un šudīn stōv sardzē par mīru un tautu breiveibu vysū pasaulē.

Boļševiku partijas Centralōs Komitejas aicynojumi ir kotra padūmjū cylvāka ceīņas programma par vysu tautas saimniecības nūzaru un kulturas otru atjaunōšonu un uzplaukumu, par padūmjū tautas labklōjeibas strauju paceļšonu, par myusu Dzimtines vareneibas tōlōkū nūstyprynōšonu.

Un vīns nu golvonim uzdavumim šō mērka sasnēgšonai ir VK(b)P CK februara Plenuma vēsturiskō lēmuma realizēšona, lauksaimniecības atjaunōšona un tōlōkō atteisteiba. Partijas Centralō Komiteja aicynoj:

«Lauksaimniecības dorbaļaudis! Padareisim 1947. godu par sākumu plašam uzbrukumam, lai īgyutu augstas ražas un izpildeitu jaunū pīcgadi lauksaimniecībā!»

Šis aicynojums izteic kotra dorba zemnīka un lauksaimniecības darbinīka dūmas un ilgas. Un vysa Padūmjū zemnīceiba ar vyslelōkū naatlaideibu jau stōjōs pi šō sova pamatuzdavuma

atrysynōšonas. Zemnīki dūd sūlejumu sovam lelōkam aizstōvam un draugam bīdram Stalinam zīdōt vysus spēkus augstōs ražas sasnēgšonai 1947. godā. Pa vysom myusu lelōs Dzimtines molu-molom zemnīki ar paš-aizlīdzeigim dorbim jau uz-sōce vyspōrejū uzbrukumū par jaunōs Stalina pīcgades izpildeišonu lauksaimniecībā.

Ari myusu aprīnka zemnīceibas vairōkums jau sasnēdze īvārojamus panōkumus ceīnā par bogōteigu šō-goda ražu. Osyunes, Indras, Kapiņu, Preiļu, Vyšku pogostu zemnīki spraigas socialistiskōs saceņseibas gaitā jau pabeidz pavasara aršonas dorbus. Symti zemnīku jau seņ īsōce vosorōju sēju. Vorkovas, Vyšku un cyti mašīnu-zyrgu iznūmōšonas punkti apora desmitus ha kotrs Padūmjū Armijas karaveiru un Tēvijas kara invalidu saimem. Preiļu MTS traktoristi ar kotru dīnu kōpynoj aršonas dorba tempus, īvārojami pōrsnādz dīnas normas, ceīnōs par plana pyrmstermiņa izpildeišonu un pōrsnēgšonu.

Lenina—Stalina partijas Centralōs Komitejas 1. Maja aicynojumim ir jōkljyst par spēceigu īrysnojumu un patīsu kaujas programū vēļ naatlaideigōkai ceīnai par sējas dorbu izvēršonu, par agrū sēju, par pavasara sējas plana izpildeišonu saeisyntīs termiņūs un pēc vysom agronomiskōs zynōtnes prasēibom.

Lai Pymō Maja svātkus, kad uz mysu varūneigū zemi byus vārsti vysas pasaules dorbaļaužu breiveibas olkstūši skoti, mes, kūpā ar vysu padūmjū tautu varātu demonstrēt savas valsts varēnūs spēkus ar augsti pacaltim karūgim, uz kurim rakš- teits:

«Zam Lenina karūga, Stalina vadeibā — uz priksū, uz Padūmjū Dzimtines jaunim panōkumuim, uz komunisma pīlneigu uzvaru myusu zemē!»

Paleidz bezzyrgu saimniecībom

Vorkovas pogosta MZIP, kuru voda b. Aišpurs, sekmeigi pylda ar zemnīkim nūslāgtūs leigumus. Šis punkts jau apora vairōk par 50 ha leigumūs paradzātōs zemes.

Seviški labi strōdoj orōji J. Ignatovskis un V. Ignatovskis, kuri ar sovim zyrgim apora jau pōri par 25 ha zemes pyrmā kōrtā bezzyrgu un moztureigūs zemnīku saimniecībom — A. Rubānam nu St. Desjatniku cīma un Verai Skuteļs nu Potašānu cīma. Aporta zeme arī tryuceigim zemnīkim P. Vainodam un E. Leščevai.

Orōju brigades sovā storpā nūslēdze socialistiskōs saceņseibas leigumus, kur ap-sajēme šūgod apstrōdōt na mozōk par 150 ha kotra, tys ir par 50% vairōk, nakai planā paradzāts.

P. Antonovs

MZIP pylda leigumus

Šymōs dīnōs Izvōltas MZIP uzsōce aršonas dorbus bezzyrgu saimniecībōs un ar 5 zyrgim apora 16 ha zemes. MZIP snādz vīlēcēspāka paleidzeibu Škeltovas un Sta-keviču cīma padūmjū bezzyrgu saimniecībom. I. Pralovam un V. Jemeljanovam šis MZIP apora pa 2 ha zemes. Lobōkūs rezultatus dor-bā uzrōda orōjs J. Jakovlevs, kurs vīns pats ar pōru zyrgu apora 8 ha. Jys pa 2 ha apora I. Fedorovam, M. Frolovam un cytim.

Lai laikā apstrōdōtu vysu bezzyrgu saimniecību zemi napīcīšams nūpītns dorbs arī nu cytu orōju puses.

Paplašynoj sabīdriskū īpašumu

Aglyunas lauksaimniecības mechanizācijas školās kolektīvs nūlēme šūgod paplašynōt sovu paleigsaimniecību un sējas plateību palelynōt leidz 36 ha. Puse nu šōs zemes jau ir aporta, nūmāslōta un nūecēta. Daļa jau apsāta ar lobōkom mīžu škir-nem. Školās kolektīvs apsajēme leidz 15. majam pīlneigi pabeigt pavasara sēju.

A. Ivanovs

Izpildeit normu par 200 procentim

Preiļu MTS traktoristi īsōce sovu leigumu pīldeišonu ar zemnīku saimniecībom. Uz 25. aprēlī jī jau apora 120 ha zemes.

Seviški labi strōdoj myusu komjaunīšu traktoristu brigade. Kotrs šōs brigades lūceklis sistematiski izpylda un pōrsnādz planā paradzātōs normas.

Zemes aršonu pyrmom kōrtom izvad bezzyrgu un moztureigūs saimniecībōs. Traktorists Cīšs apora zemi bezzyrdznīkam Druvu cīma zemnīkam Statanovam un

moztureigam zemnīkam Ca kulam nu Guleišu cīma. Obi šī zemnīki beja ļūti apmīrynōti ar traktoristu dorbu. Lobōkais brigades traktorists apora jau vairōk par 25 ha zemes. Jō traktors strōdoj bez traucējumim.

Sagaīdūt Pymō Maja svātkus, myusu traktoristu brigade apsasūla kotras dīnas normu izpildeit na mozōk par 200%, napīlaist traktoru breivā stōvēšonu.

K. Vylcāns,
pymōs komjaunīšu
brigades brigadīrs

Par augstōs ražas īgyušonu

Preiļu pogosta Sondoru cīma padūmes zemkūpi sasalasēja kūpejā sapulcē, lai apsprīstu svareīgōkūs lauku dorbus.

Uzastōdams sapulcē dorba zemnīks A. Jegorovs, teice: «VK(b)P CK februara Plenuma un Latvijas K(b)P CK XVI Plenuma vēsturiskī lēmumi par lauksaimniecības atteisteibas leīdzeklīm pēckara laikā, uzlik mums, zemnīkim, pīnōkumu — vēļ vairōk strōdōt sovōs mōjōs un teirumūs, paplašynōt sējas plateību, īvōkt augstu ražu, palelynōt lūpu skaitu un paceļt jūs ražeību. Dzimtinei vajadzeiga maīze un lūpkūpeibas produkti, un mes tūs dūsim pīteikūšā daudzumā. Es apsasūlu šūgod nu sovas zemes īvōkt nu kotra hektara na mozōk par 100 pudu kvīšu, 70 pudu auzu, 750 pudu kartupeļu un saglobōt,

vysu sovas saimniecības jaunlūpu pīaugumu.

Sapulces daleībīnīki apsveice Jegorova sūlejumu un nūlēme: na vāļōk kai leidz 15. majam pīlneigi pabeigt pavasara sēju; īvōkt ražu grydaugu kulturom na mozōku kai 100—120 pudu, auzu — 70 pudu, kartupeļu — 750 pudu, lynu škīdras 24 pudus nu kotra ha. 1947. godā īvārojami palelynōt lūpu skaitu saglobojūt vysu jaunlūpu pīaugumu. Lūpbareibas bāzes paplašynōšonai uz kotra lel-lūpa īskōbēt na mozōk par tonnu skōbbareibas.

Izvērst plašumā sovstarpejū zemnīku izpaleidzeibu vysūs lauksaimniecības dor-būs un naatstōt nīvīnas bezzyrgu un moztureigūs saim-nīku saimniecības bez paleidzeibas pavasara sējas un ražas nūvōkšonas laikā.

S. Vainods

Zemnīki atsasauc

Kotrā Rudzātu pogosta cīma padūmē nāseņ nūtyka zemnīku sapulces, kurōs apsprīde LK(b)P CK XVI Plenuma lēmumu un pījēme saisteibas pabeigt pavasara sēju leidz 15. majam. Zemnīki apsajēme šūgod palelynōt sējas plateību par 200 ha. Tūs skaitā: grydaugu sējumus par 109 ha, kartupeļu par 70 ha, lynu — par 31,9 ha. Īgyut ražas nu ha: vosoras kvīšim 75 pudus, kartupeļim 700 pudu, lynsākļom 19 pudu un lynu škīdrai — 24 pudus.

Lūpu skaits šūgod tiks pavairōts — zyrgu un gūvu —

par 20%, cyuku — par 37% un vušku par 27%.

Dorba zemnīki Pintane un Kivlenīks paziņōja, ka leidz 1. Maja svātkim pīlneigi sagatavōs zemi un tyuleņ sōks pavasara sējas dorbus.

Vysōs cīmu padūmēs pastōveigi dorbojušōs lauksaimniecības komisijas apsajēme paleidzēt un kontrolēt pavasara sējas dorbu izvesšonu un ražas nūvōkšonu, bet lūpkūpeibas komisijas ry-pēsīs par vysu jaunlūpu pīauguma saglobōšonu un audzēšonu.

J. Janovs

Auzu-pōkšaugu mistri sīnam

Lūti daudzās myusu apriņķa zemnieku saimniecībās tryukst lobu pļovu un arī obuleņa plateības, sāklas tryukuma dēļ, ir lūti mozas. Lai tūmār lūpus nūdrūšynōtu ar lobu rupū bareibu, ar sekmēm sīna ražōšanai var izmontēt auzu-pōkšaugu mistrus.

Vikauzas vyslobōk sēt aizjimtā popivē un pēc tūs nūvōkšonas sagatavōt augsnu zīmōju sējai. Sējūt vikauzas nu atteiceigō zemes gobola var īvōkt nasaleidzynojamī lelōku ražu, kai lūpi spātu sameklēt Jōņu popivē.

Vikauzas var sēt arī iznykušūs zīmōju un obuleņa teirumūs kai arī pōrorētōs pūra pļovēs.

Lobas ražas īgyušanai vik-

auzom jōdūd kūtsmāslī un 2—3 centneri uz ha superfosfata. Vīglōkōs augsnōs der dūt klōt 1 centneri uz ha kalīja sōļa, iarūt tū kūpā ar kūtsmāslīm.

Vikauzas jōsēj taidā laikā, kad augsna vēļ pīteikūšī mytra, jo tys īsātai sāklai nūdrūšynōj lobu sadeigšonu. Izsējas daudzums 250—300 kg uz ha. Vīdejā augsnā apmāram divas trešdaļas nu sāklas daudzuma jem pōkšaugu un vīnu trešdaļu auzu, smogōs augsnōs pōkšaugu var jimt vēļ vairōk. Vīglōs augsnōs lobōk pasadūd peluški, smogōs vīki un zērni. Sāklu īstrōdoj ar atsperu ecēžu, vai vyslobōk pasaklī (7—11 cm) iar ar daudzlemešu orklu. Ja augsna rudi-

nī nav orta, tad pavasarī uz rugōjim izōrda kūtsmāslus, uzsēj superfosfatu un sāklu ar daudzlemešu orklu iar. Orumus pīveļ un vīgli nūecej. Pēc šaida pajēmīņa sēšona jōizdora agrā pavasarī, cikom augsna vēļ nav paspējuse sakaļst, un ir teira nu nazōlem.

Vikauzas pļaušanas tad, kad auzas tikkū izplaukušas. Tad īgyust vysvērtelgōkū lūpbareibu. Pļaušonu nūvālojūt augī kļyust gryutōk sagramojami un daudz zaudēj nu bareibas vērtēibas. Nūpļautōs vikauzas kaļtejamā tikai zōrdūs. Loba vikauzu sīna raža ir 40—50 centneru nu hektara.

Veidis, apriņķa agronomis.

Kultur — izgleiteibas dorbs sējas laikā

Pavasara sējas izvesšonā un pōrejūs lauku dorbu pīldeišonā lūti lela lūma pīkreit kultur-izgleiteibas dorbam. Tū labi izprota Izvoltas un Bikernīku pogostu kultur-izgleiteibas pastōveigi dorbojušōs komisijas.

Izvoltas pogostā šei komisija organizēja divas agitbrigades, kuras bīži izbrauc uz cīmim, vad ar dorba zemniekim plašu izskaidrōšonas

dorbu par aktualīm pašreizējam jautojumim — agrōs sējas izvesšonu, augstūs ražu īgyušonu, lūpkūpeibas produktu saisteibu izpīldeišonu utt.

Pēc sanōksmēm un sapulcēm brigades izvad mōksliniciskūs priksnasumus ar labi sagatavōtim repertuarim.

Ar agitbrigadu paleidzēbu tyka organizēti agrotech-

niskī pulceni, kuri izvad sistematisku nūsadorbōšonu.

Bikernīku pogosta kultur-izgleiteibas komisija taipat organizēja agitbrigades, kuras vad ar zemniekim pastōveigas sarunas un apsprīdes, losa interesantas lekcijas par lauksaimniecības paceļšonas jautojumim, nūorganizēja pogostā pōrbeidamōs bibliotēkas utt.

J. Dzēns

Krōšni izkūpsim cīmatos un pīlsātas

Meža dīnas ir sōkušās nu 13. aprēļa, bet moz ir paveikts. Jōapstōda daudzi celi ar kūkim, jōireikoj pīlsātom, īstōdem un dorba zemniekim krōšni dōrzi. Jōpanōk, lai tyvōkūs godūs vyss byutu pōrveidōts un izdailōts, lai najustu vairs vōcu okupācijas seku.

Lai šūs uzdevumus otrōk veik, ir jōmobilizej vysī

skolu un ōrpusškolu jaunōtnes spēki. Agronomim, skolōtōjim, komjaunīšim daudz energiskōk jōorganizēj un jōvoda šī dorbi.

Stōdūt kūkus, reikojūt dōrzi, ir jōdūd kotram augam pīmārōta vīta un attōlumš. Stōdūt kūkus, attōlumam jōbyut taidam, lai pīaugušūs kūku zori nasaskōrtu vīns ar ūtru kūpā. Kotrai kūku

šķirnei jōdūd pīmārōti augšonas apstōkli.

Vyšku dōrzkūpeibas tehnikuma dōrznīcībā var kotrs dorba zemnieks īsagōdōt dažaidus krōšnuma kūkus un kryumus, kai arī var sajimt nūrōdejumus par krōšnuma dōrza īreikōšonu. Stōdu cena nu Rbļ. 0,30 leidz Rbļ. 2,— gobolā.

Nūvōrtā atstōtais dorbs

Myusu republikas pīlsātōs un laukūs sōkušīs rūseigi priksdōrbi sporta vosoras sezonas darbeibai. Bet Leivōnūs vēļ nav nūdybynōts sportistu kolektivs, jō priks tō tryukst uzjēmeibas. Nu pogosta komjaunōtnes organizatorēs b. Kārklīnas nīkaidis reals atbolsts nav gaidams.

Partorgs b. Vlasovs uzdevē Tautas noma vadeitōjam b. Garcānam blokus cytom sekcijom, kas pastōv pī Tautas noma, organizēt arī fizkulturas sekciju.

Bīdris Garcāns nakavejūšī uzlyka paziņojumu, ka šaida sekcija teik organizēta un aīcynōja jaunōtni tymā īsastōt. Tys arī beja vyss, kū b. Garcāns šymā lītā izdarēja un sekcija leidz šam vēļ

nav organizēta un sporta dzeivē volda kopa klusums. Te golvonā kōrtā vainojami komjaunōtnes organizatorē b. Kārklīna un arī partorgs b. Vlasovs, kuri par daudz kyutri izatur pret šū jaunōtnes fiziskōs audzynōšonas dorbu. Leivōnūs ir lūti daudz lobu sportistu, kuri jau agrōk šymā nūzarē ir parōdējuši lobas sekmes. Ir daudz arī lobu sporta organizatoru, kurus jōprūt īsais-teit šymā dorbā.

Bīdrinei Kārklīnai vīnkōršī jōpīaicynōj lobs sportists, ar jū jōpārūnoj un jōuzdūd jam šō dorba organizēšona un vadeišona, un b. Vlasovs jai šymā lītā nalīgs sovu paleidzeibu.

A. Hauks

VESTULE REDAKCIJAI

Kuram taisneiba?

Krōslovas pogosta Kombuļu cīma padūmes zemniekam saslyma gūvs. Kad mynātais zemnieks aizbrauce 10 km tōlū ceļu uz Krōslovu pēc golvonō veterinarōrsta, tad jys beja lūti izabreīnōjis, jo ōrstis b. Cals kategoriski atsateice braukt un pateice sekūšū: «Vajadzēja atbraukt ar atsperu rotim. Ar vīnkōršim rotim nabraukšu, jo krotā.» Zemniekam cyts nīkas naatlyka, kai tikai braukt mōjōs un meklēt kaidus pyušlōtōjus kai īzzōlēt gūvi. Kam šymā lītā ir taisneiba? Ōrstam, kurs grib pīsatūrēt pī kundziskīm principim, vai zemniekam, kuram mōjōs slyma gūvs un vajadzēigs ōrstis? Zemnieks J. Plīnta

ŌRZEMĒS

Kaujas Grekijā

Atenas, (TASS). 25 kilometrus nu Spartas žandarumu rota īkļyva partizanu sareikōtūs slozdūs un tyka sagrauta. Spartā atsagrīze tikai 19 žandarmu. Pēc preses ziņom, šymā kaujā nūgalynōti 30 žandarmi, tymā skaitā arī rotas komandīrs. Nu 23. aprēļa Domokosas rajonā nūteik kaujas storp valdeibas

karaspāku un partizanu grupējumu 1000 cylvāku kūp-skaitā.

Sōkušās kaujas Vermionas kolnu rajonā. Seikōkas sadursmes nūteik Karpenisionas un Lokrides rajonā. Makedonijā partizani ījāmuši Pendaloholosu, Sisano, Niliju un 6 cytus cīmus.

Protesta demonstracija Savīnōtōs Valstīs pret strōdnīkim naideigū lykumdūšonu

Ņujorka, (TASS). 24. aprēlī Ražōtōju orūdbīdreibu kongress sareikōja Detroitā plašu protesta demonstraciju pret strōdnīkim naideigū lykumdūšonu. Demons-

tracijā pīsadaleja apmāram 500 tyukstūšas automobiļu ryupnīceibas strōdnīku. Dorbu automobiļu ryupneicōs pōrtrauce uz pus dīnu.

Dīnvydslavijas tautas saimniecības atteisteības pīcgodu plans

Belgrada, (TASS). Vakar Dīnvydslavijas Tautas skupščīnas obu palatu ekonomiskōs planōšonas un finanču komisijas sōce izskateit lykumprojektu par Dīnvydslavijas tautas saimniecības atteisteības pīcgodu planu. Ziņojumu par šū planu snēdze Dīnvydslavijas plana komisijas priksādātōjs Hebrangs, uzsverūt, ka detalizēta tautas saimniecības atteisteības plana sastōdeišona beja īspējama, pasateicūt radikalom pōrmaiņom, kas nūtykušās Dīnvydslavijas sabīdriski politiskā īkōrtā un ekonomikā.

Pīcgodu plana golvonais uzdevums, teice Hebrangs, pōrvērst Dīnvydslaviju nu ekonomiskā, tehniskā un kulturas ziņā atpalykušas valsts industrialā, kulturalā un spēceigā valstī. Pēc pīcgodu plana kapitalīguldejumi tautas saimniecībā sasnēgs 278.300 miljonus dinaru. Nu tim ryupnīceibas ceļšonā īguldeis vairōk nakai 120 miljardus dinaru, pīvērsūt sevišku vēreibu smogōs ryupnīceibas un vyspyrms malnōs metalurgijas un mašinbyuves atteisteibai. Paraleli atsateisteis pōrtykas un vīglō ryupnīceiba.

Ūtrs golvonais pīcgodu plana uzdevums ir valsts elektrifikacija; šom vajadzeibom asignej 30 miljardus dinaru. 1951. godā ražōs 4 reizes vairōk elektriskōs energijas nakai 1939. godā.

Pīcgodu plans paredz arī lelus īguldejumus lauksaimniecībā. Lauksaimniecības produkcija vērtēibas ziņā 1951. godā, saleidzynūt ar 1939. godu, pīaugs par 151 procentu. Veiks plašus zynōtniskus dorbus lauksaimniecībā un lūpkūpeībā, kai arī meliorācijas dorbus uz

800 tyukstūšu hektaru lelas plateības. Plans paredz pasōkumus, kuru mērķis ōtri kōpynōt Dīnvydslavijas zemnieku materialū un kulturalū labklōjeibu.

Hebrangs uzsvēre, ka planā izapauž valdeibas nacionalō politika, kuras mērķis likvidēt atsevišku tautas republiku navīnmēreīgōs atteisteības sekas. Tōdēļ otrōki atteisteības tempi paradzāti taidōs vairōk atpalykušōs republikōs kai Bosnija un Hercegovina, Makedonija un Malnkalne.

Dorba ražeibas kōpynōšonā byus golvonais olūts uzkrōšonai un Dīnvydslavijas dorbaļaužu dzeives līmīņa paceļšonai. Planā paradzāta strōdnīku un kolpōtōju reālōs dorba olgas un dorba zemnieku īnōkumu kōpynōšona. Pīcgrades laikā valsts atvēleļ 55.700 miljonus dinaru dzeivojamūs nomu, skolu, slimneicu, sanatoriju, kulturas īstōžu un cytu objektu ceļtnīceibai.

Pīcgodu plans, teice Hebrangs nūbeigumā, paver myusu tautom mīlzeigas perspektivas. Tys līks iztureigu, stypru pamatu myusu lobōkas laimeigas nōkūtnes ceļtnīceiba. Kad pīcgodu plans byus izpīldeits, myusu valsts seja pōrsavērss. Skaidrs, ka nabyus vīgli realizēt tik lelus un vyspuseigus uzdevumus. Bet mes sekmeigi pōrvarēsīm vysas gryuteibas un šķēršļus un izpīldeisīm sovu pīcgodu planu.

Atbīldeigais redaktors
D. KAUPUŽS.